

# Tsoho ea Moshe



## SABATHA MANTSIBOEA

**Bakeng Sa Thuto ea Beke ena Bala:** *Numere. 20:1–13, Deut. 31:2, Deut. 34:4, Deut. 34:1–12, Juda 9, 1 Bakor. 15:13–22.*

**Temana ea Khopolo:** “Athe haele Arekangeloi Mikaele, ha a na a tseka setopo sa Moshe le Diabolose, o tšabile ho mo ahlola ka nyefolo, a mpa a re: **Morena a u khalemele!**” (*Juda 9*).

**J**oalokaha re bone kotareng ena eohle, Moshe ke motho e eo eleng khubu ho Deuteronomama. Bophelo ba hae, semelo, melaetsa ea hae e tletse buka ena. Leha ho le joalo, e, Deuteronomama e mabapi le Molimo le Lerato la hae ho ‘am *yisra’el*, “sechaba sa Israele,”

Ka hona, nakong ena eo re fihlang qetellong ea kotara, pheletsong ea boithuto ba rona ba Deuteronomama, re boetse re fihla qetellong ea bophelo ba Moshe, bonyane bophelo ba hae mona.

Joalokaha Ellen G. White a ile a hlalosa hore: “Moshe o ne a tseba hore o lokela ho shoa a le mong; ho ne ho se motho ea ka lumelloang ho mo sebeletsa pheletsong ea bophelo ba hae. Sephiri le ntho’e tšosang li ne li mo tjametse, tse ileng tsa tetebetsa pelo ea hae. Teko ea hae e kholo-kholo e bile ea ho arohana le batho bao a neng a ba hlokomela a ba rata—batho bao ka nako e telele lithahasello le bophelo ba hae li ileng tsa tlamahana ha ’moho. Empa o ne a ithutile ho tšepa Molimo, ’me a inehela leratong le mohaung oa Molimo le ho batho ba hae ka tumelo e sa thekeseleng.”—*Baporofeta le Marena*, maq. 470, 471.

Kaha bophelo le bosebeletsi ba Moshe li senotse boholo ba semelo sa Molimo, ka ho tsoana, lefu le tsoha ea hae le tsona li entse joalo.

*\*Ithute Thuto ea Beke ena Ho Lokisetsa Sabatha sa la, 25 Tšitoe*

## Sebe sa Moshe: Karolo ea Pele

Khafē khafetsa, le hara bokoenehi ba bona lehoatateng, Molimo o ile hlokomela Bana ba Iseraele. Ke hore, leha ba ne ba sa lokeloe hakaalo, (‘me hangata ba lula ba sa fetohē) mohau oa Molimo o ile oa tšolohela ho bona. Ka ho tšoana, le rona, kajeno, re khola molemo mohau ona, leha o sa re lokele hakaalo. Ebile, e ne’ keke ea e ba mohau haeba o ne o re lokela, ha ho joalo?

Hape, ho sa natsoe matletse-tletse a lijo ao Morena a ileng a ba sitsa ka oona lehoatateng, e ’ngoe ea lipontšo tsa mohau oa hae e n’e le metsi, ao ntle le oona, ba neng ba ka timela hang, haholo hara lehoatata le omeletseng. Ha a buoa ka maiphilelo ao, Pauslosi o ngotse: “ba noele bohle seno se le seng sa moea; hobane ba ne ba e noa seno sa lefika la moea le ba latelang, ’me lefika leo e ne e le Kreste.” (1 Bakori. 10:4). Ellen G. White o boetse a tlatsa ka hore “Nako ha eo ba neng ba hloka metsi leetong la bona, a ile a phorosetsa ho tsoa lefikeng.”—*Patriarchs and Prophets*, Leq. 411.

### **Bala** Numere 20:1–13. Ke sefe se etsahetseng moo, me re utloisisa kotlo ea Molimo ho Moshe ka baka la seo a se entseng joang?

---

Maemong a mang, ha ho thataha ho bona le ho utloisa ho ferekana ha Moshe. Kamora tse na kaofela tseo Morena a ba etselitseng tsona, meeke le mehlolo le pholoso e makatsang, joale ke bana, qetellong, meeling ea Lefatše la Pallo. Joale ho etsahalang? Shoko-shoko, ha basa na metsi, ke ha ba qala ho etsa ’momori ka Moshe le Arone. Na e n’e le hobane Jehova a keke a ba fa metsi, joalo kaha a entse hangata pele ho moo? Ha ho joalo; a ka be a ba file metsi, o ne a tl’o etsa joalo hape.

Leha hole joalo, sheba mantsoe a Moshe ha a otlā lefika, habeli. “Mamelang, marabele ting! Re ka se le ntšetse metsi lefikeng lena na?” (Numere. 20:11, NKJV). Motho o ikoetla khalefo feela mants'oeng ana a hae, hona hoo a qalang ka ho ba bitsa “marabele.”

Bothata e n’e se khalefo ea hae hakaalo, e neng e le mpe, empa e utloisiseha—empa ha a re “Re ke se le ntšetse metsi lefikeng lena na?” joalokaha e ka eena kapa motho e mong le e mong a ka ntša metsi lefikeng. Khalefong ea hae, o bonahala a ile a lebala hore ke matla a Molimo feela, a sebetsang hara bona, a ka etsang mohlolo o joalo. Eena, hara batho bana kaofela, o ne a tlameha ho tseba seo.

**Ke ha ngata hakae re buoang kapa hona ho etsa lintho ka mosito, leha re lumela hore khalefo e ea utloahala? Ke joang re ka ithutang ho khoa, re rapele, re batle matla a Molimo hore thusa ho buoa le ho etsa se nepahetseng pele re etsa liphoso?**

## Sebe sa Moshe: Karolo ea bobeli

**Bala** Numere 20:12, 13 hape. Ke lebaka lefe le ikhethang leo Jehova a ileng a lefa Moshe la hore na hobaneng a keke a tšelela lefatšeng ka baka la seo a se entseng? Sheba le Deuteronoma 31:2 le Deuteronoma 34:4

---

Ho ea ka temana ena, hone ho e-na le tse ngata ka sebe sa moshe ho feta teko ea hae ea ho nka sebaka sa Molimo feela, eleng se neng se le sebe ho lekana. O boetse a botša ho hloka tumelo, seo, ho motho ea kang Moshe, eleng ntho'e sa amoheleng. Ka holimo ho tsohle, enoa ke monna, eo ho tloha sehlahleng se tukang (*Exod. 3:2–16*) ho ea pele, ea bileng le maiphihlelo a fetang ao mang kapa mang a kileng a ba le oona le Molimo, empa, ho latela temana, Moshe h'a ka a "lumela ho 'Na" ke hore, Moshe o ile a bontša ho hloka tumelo ho seo Jehova a se buileng, ka hona, o ile a hloleha ho "Nkhalaletsa," ka pela bana ba Iseraele. Ka mantsoe a mang, ebang Moshe a ile a theola moea, 'me a etsa se nepahetseng pela ka ho bontša tumelo ea hae ho Molimo hara bokoenehi ba bona, a ka be a ile a halaletsa Molimo pela bona, hape e ba ebile mohlala oa seo ho mamela le tumelo ea 'nete li leng sona.

Hape, elahloko kamoo Moshe a sa mamelang seo Morena a neng a 'moleletse sona hantle, hore a se etse.

**Bala** 20:8. Jehova o ne a itse Moshe a etse'ng eaba Moshe eena o etsa joang? (*Numer. 20:9–11*)?

---

Temana ea bo robong e bontša ha Moshe a nka lere joalokaha "Jehova a ne a 'moleletse." Ho fihlela ha joale, ntho ntse li tsamaea ka thello. Empa temaneng ea leshome, ho e na le ho buoa le lefika, le tla ntša metsi ele kamoo Molimo a bontšang matla a hae a makatsang kateng-Moshe a otlala lefika, eseng hang empa habeli. E, ho otlala lefika e ba le ntša metsi e n'e le mohlolo, empa eseng o tšoana le ha eba ho buuoe le lona e ba ho etsahala se tšoanang.

E, ha ho okoloa taba ena kaholimo ho ka bonoa e ka kahlolo ea Molimo en'e le khopo haholo: kamora sena sohle se Moshe a fetileng hara sona, o ne a sa tlo lumelloa ho tšelela Fatšeng la Pallo. Hohle moo pale ena e phetoang, batho esale ba ipotsa hore na hobaneng ka baka la phoso e le ngoe feela ea ho ba mosito-a falatsoa seo esale a se lebeletse ka nako e telele.

**U nahana ke Thuto efe eo bana ba Iseraele ba ka beng ba ithutile eona ho se ileng sa etsahalla Moshe?**

## Lefu la Moshe

Moshe oa batho! Ho tla fihla mona, kamora ho feta hara tsena tsohle, e ba qetellong o sitoa ho ba karolo ea phethahalo ea tšepiso e etselitsong Abrahamana, makholo-khoho a lilemo pele ho moo: “Lefatše lena ke tla le nea litlohoholo tsa hao” (*Gen. 12:7*).

**Bala** Deuteronomo 34:1–12. Ho etsahetseng ka Moshe, ’me Jehova o ile a reng ka eena ho bontša hore Moshe e n’e se motho feela?

---

“A le inotsi, Moshe o ile hetla morao mathateng ohle ao a fetileng hara oona esale hore a balehe moreneng le ho tsoa pusong e neng e ruile ea Egepete, ho ba karolo ea sechaba sa Morena se khethelileng. O ile a hopola lilemo tse telele lehoatateng le mohlape oa Jethro, ho ithlahisa ha lenyeloi sehlahleng se sa cheng, le pitso ea hae ea ho pholosa Baiseraele. O boetse a ba le maiphihlelo a mehlolo ea Molimo e matla e etselitsong sechaba sa Molimo se khethilolang, ’me mohau oa hae o senyekhe-nyekhe nakong ea ho solla feeleng le borabele ba bona. Ho sa natsoe sohle seo Molimo a neng a ba etselitse sona, ho sa natsoe lithapelo tsa hae bakeng sa bona, e n’e le batho ba babeli feela ba baholo hara kung-kung e tsoileng Egepete ba fumanoeng ba tšepahala hore ba ka kena Lefatšeng la Pallo. Ha Moshe a nahana ka litholoana tsa mosebetsi oa hae, bophelo ba hae ba liteko le ho intša sehlabo li bonahala li sa ba le thuso.”—Ellen G. White, *Patriarchs and Prophets*, Leq. 471, 472.

Deut. 34:4 e buoa taba e thahasellisang. “Ke lona lefatše leo ke anetseng Abrahamana, Isaka le Jakobo, ka re: ke tla le nea litlohoholo tsa lona.” Morena o batla a ne a qotsa taba ena e le joalo ho seo a esale a pheta-pheta ho Bapateriareka le ho bana ba bona, malebana le ho ba fa lefatše lena. Joale o ne a pheta taba ena le ho Moshe.

Morena o boetse a re “Ke u bontša lona u tle u le bone ka mahlo, empa u keke oa kena ho lona” (*Deut. 34:4*). Ha ho kamoo ekareng ha Moshe a ne a eme moo a emeng teng, ka pono e tloaelehileng, a ka beng a bone sohle seo Molimo a neng a mo supisa sona-ho Moabe ho ea Dane, ho ea Nefthali, joalo-joalo. Ellen G. White o ne a hlakile: e n’e le tšenolo e sa tloaelehang, eseng ea naha feela, empa le ea kamoo e tla shebahala kateng kamora hore ba e nke.

Ka mokhoa o mong, ho ne ho tla bonahala joalokaha e

ka Jehova o ne a phoqa Moshe: *u ka be u bile mona hoja feela oa ’mamela*, kapa ntho’e kang eo. Empa, Jehova o ne a bontša Moshe hore ho sa natsoe sohle seo a se entseng, le tsona phoso ea hae, Molimo o ne a tla tšepahalla litšepiso tsa hae tsa selekane seo a se entseng le bo ntat’a bona le Israele ka bo eona. Joalokaha re tla bona, Jehova o ne a bile a na le se betere ho feta bakeng sa motho oa hae ea tšepahalang a mpanang a le liphoso.

## Tsoho ea Moshe

“Moshe, mohlanka oa Molimo a shoela hona teng, naheng ea Moabe, ka taelo ea Jehova, a patoa naheng ea Moabe, sekhutlong se lebaneng le Bethe-peore; empa haho motho ea tsebileng lebitla la hae ho fihlela letsatsi la kajeno.” (*Deut. 34:5, 6*). Ke joalo, ka litemana tsena tse ’maloa, Moshe eo e neng e le khubu bophelong ba Iseraele, monna eo lingoloa tsa hae li tsoetseng pele ho phela, eseng ho Iseraele, empa le ho kereke le Synagogeng kajeno, a shoa joalo.

Moshe o ile a shoa, a patoa, sechaba sa mo llela, ho bile joalo. Haele hantle, hona le motheo oa buka ea Tšenolo o hlahellang mona: “Ho lehlohonolo bafu ba shoelang moreneng ho tloha joale. Moea o re: E, hoba ba ea phomola mesebetsing ea bona, hobane mesebetsi ea bona ea ba latela.” (*Tsen. 14:13*).

Leha ho le joalo, lefu la Moshe ha e ea ka ea e ba khaolo ea ho qetela bophelong ba Moshe.

### **Bala** Juda 9. Ho etsahala eng moo, ’me teana ee e hlalosa ho hlaha ha Moshe hamorao Testamenteng e Ncha joang?

---

Leha re fuoe leselinyana le fokolang, ke ketsahalo e makatsang ha kaakang e bontšoang moo! Mikaele, Kreste ka boena, a tsekisana setopo sa Moshe le Diabolose. Joang? Ha ho potang, Moshe e n’e le moetsalibe; ehlile, sebe sa hae sa ho qetela se tsejoang, ho inkela khanya eo e neng e le ea Molimo, e n’e le sebe se tsoanang le Diabolose hantle- “Ke tla phahama holim’a maru, ke be ke tsoane le mookameli ea phahameng” (*Esa. 14:14*.)—Sena ke sona se ileng sa etsa hore Lucifera a lelekoe leholimong. Tsekisano ena ea setopo sa hae e tlameha e bile tabeng ea hore Kreste o tlameha a ne a re Moshe o tla le kabelo tsohong ea bafu e tšepisitsoeng.”

Empa Kreste a ka etsetsa Moshe, moetsalibe ea tlotseng molao oa Molimo, joang? Karabo, ehlile, ke sefapano feela. Joalokaha mahlabele ohle a liphoofole a ne a supa lefung la Kreste, ho hlakile hona joale, ha Morena a sheba pele sefapanong, a batla ho tsoa setopo sa Moshe. “Ka baka la sebe Moshe o ne a iphumane a le tlasa taolo ea sebe, Moshe o ne a iphumane a le tlasa matla a Satane. Ka matla a hae, e n’e le phofu ea semolao ea lefu; empa o ile a tsosetsoa bophelo bo sa feleng, a tsoere seo a ipisang ka tsona hore ke Kreste. Moshe o ile a tsoa ka lebitleng a halalelitsoe, ’me a nyolohela motseng oa Molimo le Mopholosi oa hae.”—Ellen G. White, *Patriarchs and Prophets*, Leq. 479.

**Ke joang taba ee ea Moshe e re thusang ho utloisisa botebo ba leano la topollo, hore le pele ho sefapano, Moshe o tla tsosetsoa bophelo bo sa feleng?**

## Tsoho ea Rona Bohle

Ka leseli le eketsehileng la Testamenete e Ncha, ho se lumelle Moshe ho kena Fatšeng la Pallo ha ho bonahale e ka ke kotlo ea letho. Ho e na le Kanana ea lefatše, le Jerusalema ea lefatše kamora moo (eo nalaneng eohle ea eona e tsejuoeng ka lintoa, ho hapa, le ho sotleha), “Jerusalema ea leholimo” (*Baheb. 12:22*) ha ha joale, ke lehae la hae. Ka ’nete le bileng le leng betere ho feta!

Moshe e bile mohlala oa pele o tsejoang oa tsoho ea bafu. Henoke o nketsoe leholimong a eso ka a bona lefu (*Gen. 5:24*), le Elia, (*2 Marena 2:11*), empa ho ea ka se ngotsoeng, Moshe e bile oa pele oa ho tsoetsoa bophelo bo sa feleng.

Ha re tsebe hore na Moshe o robetse nako e kae ka lebitleng, empa ha re buoa ka eena, seo ha se taba. O koetse mahlo a hae ka baka la lefu, ’me hore na e bile hora tse tharo kapa lemo tse 300, ho eena ho’a tšoana. Ho tšoana joalo le ho bohle ba robetseng; maiphihlelo a bona, bonyane haho buuo ka ho shoa, ha ba na fapana le Moshe ho hang.’ Re koala mahlo a rona ha re e shoa, ’me se latelang seo re se tsebang ke ho khutla labobeli ha Jesu, kapa, ka bomalimabe, kahlolo ea ho qetela (*sheba Tšen. 20:7–15*).

**Bala** Bakorinthe 15:13–22. Ke tšepiso efe e kholo e fumanoang moo, ’me ke hobaneng ha Mantsoe a Paulosi a utloahala ha feela re utloisisa hore bafu ba robala ho Kreste ho fihlela tsoho ea bafu?

---

Ka ntle ho tšepo ea tsoho, ha re na tšepo ho hang. Tsoho ea Jesu ke tiisetso ea tsoho ea rona; ka mora ho “re hloekisa libe” (*Baheb. 1:3*) sefapanong e le konyana ea rona ea sehlabelo, Kreste o shoete a tsoha bafung, ’me ka baka la tsoho ea hae, re na le tiisetso ea rona, ka Moshe eo eleng mohlala oa pele oa motho ea oeleng ea tsositsong bafung. Ka baka la seo Kreste a tla se etsa, Moshe o ile a tsosoa; ’me ka baka la seo Kreste a se entseng, le rona, re tla tsosoa.

Ka hona, ho Moshe re ka fumana mohlala oa ho pholoso ka tumelo, tumelo e bonahatsoang bophelong ba botšepi le tšepo ho Molimo, leha eba aka kthometseha qetellong, ’me hohle bukeng ea Deuteronoma, re ka bona Moshe a leka ho biletsa batho ba Molimo botšeping bona boo, karabelo e tšoanang mohaung oo ba o filoeng joalokaha re o fuoe-le rona, ba mathuleng a meeli ea Lefatše la Pallo.

**Na ha se Molimo, Molimo eena eo, ea re biletsang botšeping, le rona? Ke sefe seo re ka se etsang ho etsa bonnete ba hore ha re etse liphosho tse tšoanang le tseo Moshe a hlokomelisitseng ka tsona ho Deuteronoma?**

**Ho Ithuta ka Botebo:** “Nakong eo ba neng ba hoa ke khalefo, ‘re ka se le ntsetse metsi lefikeng lee?’ ba ile ba ipeha sebakeng sa Molimo, joalokaha e ka matla a tsoa ho bona, batho ba tletseng mefokolo le litakatso tsa botho. Ka ho khathala ke ho tletleba ho sa feleng le borabele ba batho, Moshe o ne a se a sa bone mothusi oa hae ea Halalelang, ‘me ntle le matla a halalelang, o ile a tloheloa hore bofokoli ba botho bo hlhelle. Motho ea ka beng a qetelletse a hloekile, a sa icheba boena ho fihlela qetellong, a hloleha qetellong. Molimo o ne a eisitsoe ka pela phutheho ea Iseraele, ha e n’e le monyetla oa ho mo phahamisa.”—Ellen G. White, *Patriarchs and Prophets*, Leq. 418.

“Thabeng ea ho fetoha, Moshe o ne a le teng le Elia, ea ileng a nkeloa leholimong. Ba ne ba rometsoe ho ba batsamaisi ba leseli le khanya ho tsoa ho Ntate ho ea ho Mora oa hae. ka hona, thapelo ea Moshe, e ileng ea etsoa lilemo-lemo tse ngata pele ho moo, ea phethahatsoa qetellong. O ile a ema ‘thabeng e halalelang,’ hara majalefa a batho ba hae, ho ba lipaki tsa hae, eena eo ka eena litšepiso tsa Iseraele li neng li itšetlehile ka eena. Ena ke eona ketsahalo ea ho qetela e bontšoang batho nalaneng ea motho ea hlomphiloeng ke leholimo.”—leq. 479.

## Lipotso tsa ho Qoqa:

- ① Moelelong o mong, e, Moshe o ile a tsosoa a nkeloa leholimong hang kamora lefu la hae. Empa ka nako e tšoanang, Moshe oa sono (re nka joalo) o qetella a bona ntho tse mpe tse etsahalang fatše mona. Re lehlohonolo hakae hore e be bongata ba rona re tla tsosoa kamora hore likharuru tsa lefatše li fele, bonyane pele ho ho tla labobeli! Ke ka tsela life taba ee, eleng tlhohonolofatso e kholo ho feta ea Moshe?
- ② Ke joang pale ea lefu la Moshe le tsoho ea hae hamorao, li re bontšang kamoo Testamente e Ncha, leha hangata e itšetlehile Testamenteng ea khale, e re fang se fetang Testamente ea Khale, le hore ehlile e ka fana ka leseli le batsi ka Testamente ea Khale?
- ③ Ke joang pale ea bophelo ba Moshe, ho keneyeletsa le ho otlala lefika ka mosito, eleng mohlala oa se boleloang ka ho phela ka tumelo, le ka ho pholoso ka tumelo, eseng mesebetsi ea molao?
- ④ Ka sehlopheng, buisanang ka tšepiso ea tsoho qetellong ea nako. Ke hobaneng ha see e le khubu ea tšepo eohle ea rona? Hape, haeba re ka tšepa Molimo tabeng ena, ke hore, hore o tla re tsosa bafung, na re ka se mo tšepela eng kapa eng? Ka holimo ho tsohle, haeba a ka re etsetsa seo, ke sefe seo a ke keng a re etsetsa sona?